

玉海



040

1000:58

34866

玉海卷第一百四十四

浚儀王應麟伯厚甫

兵制

講武

田獵

上

春秋傳曰春蒐

振旅

夏苗

芟舍

秋獮

治兵

冬狩

大閱

皆於農

隙以講事三年而治兵入而振旅歸而飲至以數

軍實昭文章明貴賤辨等列順少長習威儀也

夏殷四時田

王制天子諸侯無事則歲三田一爲乾豆二爲賓客

三爲充君之庖注三田者夏不田蓋夏時也疏案穀

梁傳春日田夏曰苗秋曰蒐冬曰狩何休云邇牛輿
曰夏不田穀梁有夏田於義爲短鄭玄釋之云四時
皆田夏殷之禮詩云之子于苗選徒囂囂夏田明矣
公羊既見緯文故以爲三時田又鄭釋廢疾云歲三
田謂以三事爲田卽一曰乾豆之茅大綏小綏是夏
殷之法秋冬皆用綏異於周也夏不田蓋夏時也夏
生長之時禹以仁得天下故不田

月令季秋之月

天子乃教於田獵以習五戎

教於田獵因教民以戰法也

孟冬講

武注凡田之禮唯狩最備夏小正十一月王狩

左

傳春蒐夏田秋獮冬狩疏公羊春日苗秋曰蒐冬曰

狩穀梁春日田夏日苗秋日蒐冬日狩皆與禮異丘
明獨與禮合白虎通義因穀梁爲之說王者諸侯所
以田獵何爲苗除害上以共宗廟下以簡集士衆春
田夏苗秋蒐冬狩四時之田總名爲田云云雖名通

義義不通先儒皆依周禮左傳爾雅之文每年常四

時講武三年而一大習詩采芣疏征伐之時出軍而對陳用治兵禮戰上至還歸

用振旅法各異而禮同也
唯公羊以治兵爲祠兵

易比九五曰王用三驅失前禽馬氏云一乾豆二賓客三君庖

周四時田法

地官鄉師凡四時之田前期出田法于州里簡其數

鐸旗物兵器修其卒伍及期以司徒之大旗致衆庶而陳之以旗物辨鄉邑而治其政令刑禁巡其前後之

屯注田法人徒及所當有前後屯車徒異部也
大司馬有

司平之注云鄉師居門正其出入之列
春官甸祝掌四時之田表貉

之祝號
賈誼新書不抵禽不詭遇逐不出防此苗

獮蒐狩之義也苗者毛取之蒐者搜索之狩者守留

之夏不田何也天地陰陽盛長之時
爾雅春獵爲

蒐注搜索取不任者
夏獵爲苗爲苗稼除害
秋獵爲獮順殺氣也
冬獵

爲狩得獸取之無所擇
宵田爲獠管子曰獠獵畢弋
火田爲狩

周中冬大閱
振旅陳
虞人表

夏官大司馬中春教振旅司馬以旗致民平列陳如

戰之陳

洵凡師出曰治兵入曰振旅皆習戰也四時各教民以其一焉春習振旅兵入收衆專於

農平猶正也

辨鼓鐸鐃鐃之用主執路鼓諸侯執賁鼓軍

將執晉鼓師帥執提旅帥執鞀卒長執鐃兩司馬執

鐸公司馬執鐃以教坐作進退疾徐疏數之節

習戰法

遂以蒐田有司表貉誓民鼓遂圍禁火弊獻禽以祭

社

春田為蒐有司大司徒也立表而貉祭誓以犯田法之罰誓曰無干車無自後射火弊火止也春

田主用火田止虞人植旌衆皆獻所獲禽

中夏教芟舍如振旅之陳群

吏撰車徒讀書契辨號名之用帥以門名縣鄙各以

其名家以號名鄉以州名野以邑名百官各象其事

以辨軍之夜事其他皆如振旅注：茅舍草止也。軍有

守之事。草止者慎於夜。草舍遂以苗田如蒐之灋車車

弊獻禽以享夏田為苗中車弊驅獸秋教治兵

如振旅之陳辨旗物之用王載大常諸侯載旂軍吏

載旗師都載旛鄉遂載物郊野載旐百官載旗各書

其事與其號其他皆如振旅遂以獮田如蒐田之法

羅弊致禽以祀祐秋田為獮獮殺也。羅弊中冬教大

閱春辨鼓譟夏辨號名秋辨前期群吏戒衆庶脩

戰灋虞人萊所田之野為表百步則一為三表又五

千步為一表田之日司馬建旗于後表之中群吏以

旗物鼓鐸錡各帥其民而致贊明弊旗誅後至者

乃陳車徒如戰之陳皆坐

注後表之中五十步表之中央表所識正行列也四

表積積百五十步左右之廣當容三軍步數

未聞疏曰謂從南表至北表東西不言步數

誓于陳前斬牲以左右徇陳曰不用命者斬之

注陳前南

面鄉表也月令季秋天子教田獵以習五戎司徒摺

扑北面以誓之此大閱禮實正歲之中冬而說季秋

之政於周爲仲冬爲月令者失之矣疏曰皆據

夏法周雖建子爲正及行事皆用夏之正歲 中軍

以鼙令鼓鼓人皆三鼓司馬振鐸羣吏作旗車徒皆

作鼓行鳴錡車徒皆行及表乃止三鼓撿鐸羣吏弊

旗車徒皆坐中軍中軍之將也天子六軍三三而

居一偏及表自後表前至第二表也 又

三鼓振鐸作旗車徒皆作鼓進鳴錡車驟徙趨及表

乃止坐作如初

及表自第二
前至第三

乃鼓車馳徙走及表乃

止

及表自第三
前至前表

鼓戒三闕車三發徙三刺

戒攻敵三
而止象服

敵

乃鼓退鳴鐃且卻及表乃止坐作如初

退自前表
至後表習

戰之禮出入一也
異者廢鐃而鳴鐃

遂以待田

冬田
為符

以旌為左右和之門

軍門
曰和

羣吏各帥其車徒以叙和出左右陳車徒有司

平之旗居卒間以分地前後有屯百步有司巡其前

後險野人為主易野車為主

注鄉師又
巡其行陳

既陳乃設驅

逆之車有司表貉于陳前

驅驅出禽獸使趨田逆逆
要不得令走設此車者田

僕也

中軍以鼙令鼓鼓人皆三鼓羣司馬振鐸車徒皆

作遂鼓行徒銜枚而進大獸公之小禽私之獲者取

左耳及所弊鼓皆駮車徒皆課徒乃弊致禽饁獸于

郊人獻禽以享烝

徒乃弊徒止也冬田主用衆春之振旅夏之芟舍秋之治兵以至

鼓鐸蠲號名旗物之用皆兼舉並習是爲軍禮之

備故曰教大閱必用四表者所以寓王者紀律之師

大武之四表實象之樂記言大武周家寓兵之良法

易氏曰惟中冬大閱合教三時不盡調發皆以人

類遞教稍人注曰凡用役者不必一時皆徧曰僕掌

馭田路設驅逆之車令獲者植旌及獻比禽凡田王

提馬而走諸侯晉大夫馳天官獸人及弊田令禽

注于虞中置虞人所立虞旗中地官山虞大田獵則萊山田

之野及弊田植虞旗于中致禽而珥澤虞萊澤野

弊田植虞旌以屬禽春官大宗伯大田之禮簡衆

也

因田習兵閱車徒之數

小宗伯若大甸則帥有司而饁獸

于郊遂頒禽

肆師四時之大甸獵祭表貉則為位

甸祝掌四時之田表貉之祝號

田者習兵之禮故亦禡祭

師甸致

禽于虞中乃屬禽及郊饁獸舍奠于祖禰及歛禽

田師

謂起大衆以田稠牲稠馬掌其祝號

司服凡甸冠弁服

田獵

也司常及國之大閱贊司馬頒旗物

注大閱王乘戎路建大常

官府各象其事州里各象其名家各象其號

注徽識所以題

別衆臣樹之於位朝名就焉今大閱禮象而為之左傳昭二十一年宋厨人濮曰楊徽者公徒也

凡

軍事建旌旗及致民置旗弊之甸亦如之

月令孟

冬天子乃命將帥講武習射御角力

注為仲冬將大閱簡習之凡田

之禮唯狩最備夏
小正十一月王狩

周語仲山父曰蒐于農隙獮於

既烝狩於畢時

齊語春以蒐振旅秋以獮治兵

詩車攻注田者大

艾草以爲防或舍其中褐纒旂以爲門裘纒質以爲
櫜間容握驅而入擊則不得入左者之左右者之右
然後焚而射焉天子發然後諸侯發諸侯發然後大
夫士發天子發抗大綏諸侯發抗小綏獻禽於其下
故戰不出頃田不出防不遂奔走古之道也

穀梁

傳昭八年秋大蒐于紅正也因蒐狩以習武事禮之
大者也艾蘭以爲防置旂以爲轅門以葛覆質以爲
繫流旁握御轡者不得入車軌塵馬候蹄拊禽旅御

者不失其馳然後射者能中過防弗逐不從奔之道也面傷不獻不成禽不獻禽雖多天子取三十焉一爲乾豆二爲賓客三爲充君之庖其餘與士衆習射於澤宮射而中田不得禽則得禽得禽而射不中則不得禽是知古之貴仁義而賤勇力也

左傳桓六

軍大閱簡車馬也

司馬法天下既平天子大愷春

蒐秋禴諸侯春振旅秋治兵所以不忘戰也

爾雅

出爲治兵尚威武也入爲振旅及尊卑也

孫炎曰出則幼賤在

前貴勇力也入則尊老在前復常法也

公羊傳出曰祠兵入曰振旅其禮一也

大司徒大田役以旗致萬民治其徒庶之政令鄉師

見後

小司徒會萬民之卒伍以作田役 小宰聽

師田以簡稽 掌次師田則張幕設重帟重案司几

筵甸役則役熊席右漆几

注祭表貉所設席

迹人几田獵

者受令焉 巾車木路建大麾以田

文王田渭陽

六韜文師篇文王齋三日乘田車駕馬田於渭陽見

太公載與俱歸

史記周西伯將出獵卜之曰所獲

非龍非鸞非虎非羆所獲霸王之輔於是西伯獵遇

太公於渭之陽

左傳昭十五年王曰密須之鼓與

其大路文所以大蒐也注密須姞姓國文王伐之得

其鼓以蒐

詩騶虞文王蒐田以時

選注魯詩傳曰梁騶天子獵之

也田

周武王狩

周書世俘第四十武王狩禽虎二十有二貓二麋五千二百三十五犀十有二羗七百二十有一熊百五十有一羆一百一十有八豕三百五十有二貉十有八麀十有六麝五十麋三十鹿三千五百有八

周成王蒐岐陽

左傳昭四年六月丙午楚椒舉曰夏啓有鈞臺之享商湯有景亳之命周武有孟津之誓成王有岐陽之

蒐

注周成王歸自奄大蒐於岐山之陽岐山在扶風美陽縣西北疏書序云成王歸自奄在宗周諸庶

邦作多方云告示四國多方於時康有艷宮之朝穆

有塗山之會齊桓有召陵之師晉文有踐土之盟六

王二公之事皆所以示諸侯禮也諸侯所由用命也

定四年衛祝佗曰成王分康叔云云取於相土之

東都以會王之東蒐

書正義左傳言會東蒐王者因會諸侯或亦獵以教戰

晉語叔向曰昔成王盟諸侯于岐陽楚為荊蠻置茅

施設望表與鮮牟

東夷國

守燎故不與盟

帝王世紀王乃大蒐於岐

陽東伐注夷

韓愈石鼓歌周綱陵遲四海沸宣王憤起

揮天戈大開明堂受朝賀諸侯劒佩鳴相磨蒐于岐

陽騁英俊萬里禽獸皆遮羅

石鼓文云左騁旛旛右騁騁騁秀弓時射

周宣王田獵

詩車攻宣王復古也復會諸侯於東都因田獵而選

車徒

疏云因會而獵

田車既好四牡孔阜東有甫草駕言行

狩之子于苗選徒囂囂建旄設旌搏獸于敖駕彼四

牡四牡奕奕赤芾金舄會同有繹決拾既飲弓矢既

調射夫既同助我舉柴四黃既駕兩驂不猗不矢其

馳舍矢如破蕭蕭馬鳴悠悠旆旌徒御不驚大庖不盈

疏東都之界自廣大之草可就而田獵鄭以甫草爲

圃田之草圃田在東都畿內此時宣王爲夏田也

夏獵